

Na osnovu člana 8. stav 3. tačka 31. i 37. Zakona o principima lokalne samouprave („Službene novine Federacije BiH“, broj: 49/06 i 51/09), člana 13. stav 1. tačka 31. i 37. Statuta Općine Novo Sarajevo („Službene novine Kantona Sarajevo“, broj: 35/10), a u vezi sa Zakonom o zaštiti i dobrobiti životinja („Službeni glasnik BiH“, broj: 25/09), Zakonom o komunalnim djelatnostima („Službene novine Kantona Sarajevo“, broj: 31/04), Zakonom o prekršajima protiv javnog reda i mira („Službene novine Kantona Sarajevo“, broj: 18/07 i 7/08) i Odluke o prekršajima protiv javnog reda i mira na području Općine Novo Sarajevo – prečišćeni tekst („Službene novine Kantona Sarajevo“, broj: 31/09), Općinsko vijeće Novo Sarajevo, na 30. sjednici održanoj dana 25.06.2015. godine, d o n i j e l o j e

ODLUKU

o držanju kućnih ljubimaca na području Općine Novo Sarajevo

I-OPĆE ODREDBE

Član 1.

Ovom Odlukom, radi zaštite životinja i ljudi koji sa njima dolaze u dodir, propisuju se uslovi i način držanja kućnih ljubimaca, registraciju, način izvođenja kućnih ljubimaca, a naročito pasa i mačaka u javnim objektima i na javnim površinama, uslovi i način postupanja sa nezbrinutim životinjama, sa izgubljenim i napuštenim životinjama, psima i mačkama lualicama na području općine Novo Sarajevo.

Ova Odluka se ne primjenjuje na službene pse i druge životinje koje u obavljanju svojih poslova koriste tijela državne uprave i druge pravne osobe (npr. policija, zaštitari, granična služba) kao i na pse i druge životinje osposobljene za pomoć osobama sa posebnim potrebama (npr. vodiče slijepih osoba), te lovačke pse samo za vrijeme lova.

Član 2.

U ovoj Odluci u upotrebi su pojmovi sa sljedećim značenjem:

1. **Zaštita zdravlja životinja** - zaštita od zaraznih, parazitnih i drugih bolesti utvrđenih ovim zakonom, suzbijanje bolesti zajedničkih ljudima i životinjama (u daljem tekstu: zoonoze) i zaštita od drugih zaraznih, parazitskih i organskih bolesti;
2. **Veterinarsko javno zdravstvo** - obuhvata poslove iz djelokruga inspekcije životinja i životinjskih proizvoda, te veterinarske zaštite okoline, koji su direktno ili indirektno u ulozi zaštite zdravlja ljudi od zoonoza, bolesti i škodljivih rezidua, koje se namirnicama mogu prenijeti na ljude (alimentarne infekcije i intoksikacije), te druge bolesti koje mogu ugroziti zdravlje ljudi;
3. **Vlasnik ili imalac kućnog ljubimca** - svako pravno ili fizičko lice, koje je kao vlasnik, korisnik ili čuvar, neposredno odgovorno za zdravlje i dobrobit životinje;
4. **Kućni ljubimci** - psi, mačke, ukrasne i egzotične ptice i životinje, mali glodari, terarijske, akvarijske i druge životinje koje se uzgajaju ili drže za druženje, rekreaciju, zaštitu ili pomoć čovjeku;
5. **Opasna/potencijalno opasna životinja** - je ona vrsta životinja od koje postoji ili ne postoji rizik da prema svojim prirodnim/urođenim sklonostima ispoljava sklonost za napad na čovjeka kojim mu može nanijeti tjelesne povrede ili ga usmrtili;
6. **"Opasan pas"** je:
 - a) bilo koja jedinka te vrste, porijeklom od bilo koje pasmine koja je:
 - 1) ničim izazvana, napala čovjeka i nanijela mu tjelesne povrede ili ga usmrtila;
 - 2) ničim izazvana napala drugog psa i nanijela mu teške tjelesne povrede;
 - 3) uzgajana i/ili dresirana za borbe pasa ili zatečena u organiziranoj borbi s drugim psom;

- b) pas pasmine terijera tipa bull koji ne potječe iz uzgoja i njegovi mješanci,
 - c) psi iz kontroliranog uzgoja pasmina terijera tipa bull - stafordski bull terijer, američki stafordski terijer, bull terijer i mini bull terijer, koji imaju rodovnicu izdatu od Kinološkog Saveza BiH ili rodovnicu izdatu od Kinološkog saveza jedne od zemalja članica Međunarodne kinološke organizacije (F.C.I.);
7. Psi kao kućni ljubimci mogu biti:
 - a) Veliki psi su psi težine 26 - 45 kg i preko 45 kg, kao što su: njemački i belgijski ovčar, malinoa, zlatni retriver, labrador, boxer, rottweiler, doga, bernardinac, doberman, mastif, šarplaninac i drugi veliki psi i njihovi križanci,
 - b) Srednje pasmine pasa su psi težine od 11 do 25 kg kao što su kao što su: beagle, cocker, husky, shar pej, francuski bulldog, engleski setter i sl.,
 - c) mali psi (psi patuljastih pasmina) težine 1- 10 kg kao što su yorkshire terrier, fox terrier, shih tzu, chihuahua, poodle i sl.;
 8. Eutanazija - bezbolno usmrćivanje;
 9. Izgubljena životinja - ona životinja koja je napustila vlasnika/držaoca bez njegove volje i on je traži;
 10. Napuštena životinja - kućna životinja koju je vlasnik ili imalac svjesno napustio;
 11. Psi i mačke lutalice - su neregistrirane i neoznačene životinje o kojima se niko ne brine i koje bez nadzora lutaju javnim površinama;
 12. Higijenski servis - je služba za prikupljanje napuštenih izgubljenih i životinja bez vlasnika- lutalice tako da životinji nanose najmanje bola i patnji i predaju ih u skloništa za životinje;
 13. Skloništa za životinje - prostori u kojima se smještaju pronađene napuštene izgubljene i životinje bez vlasnika - lutalice na daljnu brigu i moguće udomljavanje;
 14. Dvorište - je preostali dio građevinske parcele ograđen ili neograđen, koji pripada stambenoj zgradi, odnosno porodičnoj kući ili većem broju porodičnih kuća;
 15. Površina javne namjene i površine u javnom korišćenju (u daljem tekstu: javne površine) su: javne saobraćajne površine, javne zelene površine, površine oko objekata javne namjene i neizgrađeno građevinsko zemljište namijenjeno za uređenje ili izgradnju objekata javne namjene ili javnih površina i površine koje planskim dokumentom nisu određene kao površine javne namjene, a dostupne su većem broju građana, kao što su izgrađene i uređene saobraćajne i zelene površine unutar i između blokova zgrada, između zgrada, unutar otvorenih tržnih centara, groblja, dječija igrališta, cvjetnjaci, neograđeni sportski tereni, te neograđena dvorišta škola i vrtića, pasaži i sl.

Član 3.

Zabranjeno je držati kao kućne ljubimce opasne i potencijalno opasne životinjske vrste zabranjene Pravilnikom o držanju opasnih životinja („Službeni glasnik BiH“, broj: 27/10). Držanje opasnih pasa kao kućnih ljubimaca regulirano je Pravilnikom o držanju opasnih životinja („Službeni glasnik BiH“, broj: 27/10).

II-USLOVI I NAČIN DRŽANJA KUĆNIH LJUBIMACA

Član 4.

Vlasnik ili imalac kućnog ljubimca obavezan je držati životinju vodeći računa o njenom zdravlju, ishrani, smještaju, higijeni i da prema njoj postupa na način kojim ne ugrožava njenu dobrobit i zaštitu, u skladu sa propisima o zaštiti životinja, veterinarstvu, zaštiti okoliša, javnom redu i miru, te odredbama ove Odluke.

Vlasnik ili imalac kućnog ljubimca obavezan je provoditi propisane mjere sprečavanja oboljenja, suzbijanja i iskorjenjivanja zaraznih bolesti pridržavajući se odredaba Zakona o zaštiti i dobrobiti životinja ("Sužbeni glasnik BiH", broj: 25/09), drugih propisa i ove Odluke.

Član 5.

Vlasnik ili imalac kućnog ljubimca, u smislu ove Odluke ne može biti lice mlađe od 18 godina, odnosno 21 godine za držanje opasnog psa.

Član 6.

Vlasnik ili imalac kućnog ljubimca obavezan je držati životinju tako da ni na jedan način ne ometa javni red i mir, uslove stanovanja, utvrđeni kućni red i mir građana, te da ne ugrožava sigurnost građana i sigurnost drugih životinja.

Član 7.

Vlasnik ili imalac kućnog ljubimca koji se o njemu više ne može brinuti u skladu sa obavezama iz člana 4. ove Odluke, dužan je pronaći udomitelja odnosno udruženje građana ili osobu koja će o njemu brinuti na propisan način ili ga predati Skloništu za životinje, kojeg u skladu sa Zakonom osnuje fizička ili pravna osoba, općina ili kanton, te snositi troškove boravka do udomljenja ili drugog načina zbrinjavanja životinje.

Član 8.

Psi i mačke mogu se držati u stanu, u stambenoj zgradi i u porodičnoj kući, dvorištu stambene zgrade, dvorištu porodične kuće, zajedničkom dvorištu porodične kuće i u dvorištu sa većim brojem porodičnih kuća.

Član 9.

U objektima ili zgradama kolektivnog stanovanja, jedno domaćinstvo može držati u stanu najviše jednog psa i najviše dvije mačke. Ostali kućni ljubimci mogu se držati u onom broju za koliko jedno domaćinstvo može obezbijediti adekvatne uslove u skladu sa ovom Odlukom i pozitivnim zakonskim propisima.

U dvorištu individualnog stambenog objekta mogu se držati najviše dva psa i najviše dvije mačke. Ostali kućni ljubimci mogu se držati u onom broju za koliko jedno domaćinstvo može obezbijediti adekvatne uslove u skladu sa ovom Odlukom i pozitivnim zakonskim propisima.

Član 10.

Psi i mačke mogu se držati u zajedničkim prostorijama stambene zgrade (perionica, prostorija za sušenje rublja, prostorija za rad organa upravljanja zgradom, prostorija za smještaj opreme za tekuće održavanje zgrade i sl.) samo po prethodno pribavljenoj saglasnosti – odluci etažnih vlasnika stambene zgrade.

Držanje i kretanje pasa i mačaka u zajedničkim prostorijama zgrade i dvorištima zgrada, te održavanje i čišćenje tih prostorija, zajednički utvrđuju predstavnik etažnih vlasnika i upravitelj zgrade.

Vlasnik ili imalac kućnog ljubimca dužan je brinuti o čistoći zajedničkih prostorija (hodnici, terase, lođe i balkoni, stubišta, podrumski i tavanski prostori i druge zajedničke prostore i instalacije) kojima se kreću kućni ljubimci, te odmah očistiti ili oprati površinu, ukoliko je njegov kućni ljubimac na bilo koji način onečistio.

Član 11.

U objektima ili zgradama kolektivnog stanovanja, zabranjeno je držanje pasa i mačaka i ostavljanje istih bez nadzora držaoca na balkonu, terasi i lođi koja pripada stanu.

U slučaju odsutnosti vlasnik – imalac kućnog ljubimca dužan je osigurati nadzor i brigu punoljetne osobe za svog kućnog ljubimca u skladu sa njegovim potrebama.

Dozvoljeno je uvođenje psa i mačke u lift stambene zgrade ukoliko je prazan. Prilikom korišćenja lifta, stepeništa i hodnika stambene zgrade, pas mora biti na povodcu pod neposrednom kontrolom držaoca i obavezno s brnjicom za visoke i srednje pasmine pasa. Vlasnik ili imalac psa koji učestalom i dugotrajnim lajanjem, grebanjem ili zavijanjem remeti mir, dužan je odmah poduzeti odgovarajuće mjere kako bi spriječio daljnje uznemiravanje ili je dužan ukloniti psa.

Član 12.

Psi se mogu držati u dvorištu porodične kuće, zajedničkom dvorištu porodične kuće i u dvorištu sa većim brojem porodičnih kuća u posebnom objektu, po prethodno pribavljenoj saglasnosti svih suvlasnika porodične kuće, odnosno saglasnosti svih vlasnika porodičnih kuća.

Ukoliko se pas drži u ograđenom prostoru za psa ili kućici za psa, smještaj kućice ili ograđenog prostora mora biti takav da ne ugrožava/omete stanovanje u susjednom dvorištu.

Objekat za držanje pasa (ograđen prostoru za psa ili kućici za psa), iz prethodnog stava ovog člana, mora biti udaljen najmanje 5 metara od najbliže stambene zgrade ili poslovnog objekta na susjednoj parceli, odnosno kuće u dvorištu sa većim brojem porodičnih kuća, odnosno da ne ugrožava/omete stanovanje u susjednom dvorištu.

Član 13.

Pas koji se drži u ograđenom dvorištu ili drugom zemljištu ne mora biti vezan ukoliko ograda svojom visinom i čvrstoćom osigurava sigurnost prolaznika i susjeda.

Ulazna kapija dvorišta stambene zgrade, dvorišta porodične kuće, zajedničkog dvorišta porodične kuće i dvorišta sa većim brojem porodičnih kuća u kome se drži pas, mora biti vidno označena tablom sa crtežom i natpisom koji ukazuje na prisustvo psa i mora imati ispravno zvono na ulaznim dvorišnim ili vrtnim vratima.

Pas koji se drži u neograđenom dvorištu, mora biti sigurno vezan, na način da ne ometa kretanje i sigurnost građana ili mora biti smješten u boks koji će osigurati da se životinja neće moći samostalno udaljiti.

Pas se može vezati oko vrata adekvatnom ogrlicom ili kaišem koji se ne usijeca u kožu i koji ne može dovesti do povreda.

Vlasnik ili imalac psa ne smije vezati psa na lanac koji je kraći od 3 (tri) metra ili trostruke dužine životinje, mjereno od vrha repa do vrha njuške, a pri određivanju dužine lanca koristi se dužina povoljna za životinju.

Član 14.

Vlasnik ili imalac životinje dužan je pod svojim nadzorom kontrolisati razmnožavanje kućnih ljubimaca kao i da snosi odgovornost za sve potomke svojih životinja.

Načini kontrole razmnožavanja kućnih ljubimaca mogu biti:

- preventivno djelovanje (sterilizacija i kastracija životinja),
- kontrola kretanja u vrijeme tjeranja ženki,
- upotreba veterinarskih sredstava.

Poslove preventivnog djelovanja i upotrebe veterinarskih sredstava iz stava 2. ovog člana obavlja nadležna veterinarska organizacija.

Dužnost i obaveza vlasnika/držaoca životinje je da traži pomoć veterinara u slučaju povrede i bolesti životinje, pri okotu ili u slučaju drugih bolesnih stanja.

III-REGISTRACIJA KUĆNIH LJUBIMACA

Član 15.

Vlasnici ili imaoци pasa i mačaka dužni su registrirati pse i mačke, u roku od 7 (sedam) dana od dana sticanja vlasništva, u veterinarskoj organizaciji koja vodi registar životinja za područje Općine Novo Sarajevo.

S ciljem identifikacije, sve životinje trajno treba da budu označene, a imaoци pasa i mačaka dužni su izvršiti trajno označavanje pasa i mačaka pomoću mikročipa koje izvodi samo veterinar.

Ured za veterinarstvo Bosne i Hercegovine će voditi registar svih označenih pasa i mačaka.

Za troškove upisa pasa i mačaka, obaveznog označavanja-čipovanja pasa, vakcinacije pasa protiv bjesnila, tretmana protiv parazita i izdavanja službenih isprava/dokumentacije plaća se naknada u skladu sa Zakonom o veterinarstvu FBiH („Službene novine FBiH“, broj: 46/00) i Cjenovnikom minimalnih i maksimalnih cijena veterinarskih usluga na teritoriji Federacije Bosne i Hercegovine („Službene novine FBiH“, broj: 43/13).

Troškove naknade za veterinarsko-zdravstveni nadzor (pregled), cijepljenje i druge zdravstvene mjere provedene od strane veterinarske organizacije snosi vlasnik /imalac psa ili mačke.

Član 16.

Vlasnik ili imalac psa i mačke je dužan u roku od 7 (sedam) dana od dana prijaviti uginuće, odučenje ili odlutalog psa ili mačke, kao i svaku drugu promjenu nadležnoj veterinarskoj organizaciji koja vodi registar pasa, mačaka i drugih kućnih ljubimaca.

Vlasnik ili imalac psa i mačke dužan je nadležnoj veterinarskoj organizaciji, koja vodi upisnik (registar) pasa, prijaviti uginuće psa ili mačke radi utvrđivanja uzroka uginuća i ažuriranje baze podataka o registraciji životinja.

Vlasnik životinje dužan je, nakon utvrđivanja uzroka uginuća od strane nadležne veterinarske organizacije, leševe životinja, uz prilog potvrde o uzroku uginuća, odmah predati Higijeničarskoj službi KJKP "Rad" d.o.o. Sarajevo, na neškodljivo uklanjanje uz plaćanje usluge za uklanjanje, na osnovu važećeg cjenovnika.

Nabavku mladunčeta mora prijaviti najkasnije do napunjenog četvrtog mjeseca njegove starosti.

IV-KRETANJE KUĆNIH LJUBIMACA NA JAVNIM POVRŠINAMA I OBJEKTIMA JAVNE NAMJENE

Član 17.

Na javne površine mogu se izvoditi psi i mačke za koje vlasnik ili imalac posjeduje službenu ispravu/dokument kojim se dokazuje da su prethodno uredno registrirani, čipovani, vakcinisani protiv bjesnila i tretirani protiv parazita u nadležnoj veterinarskoj organizaciji, u skladu s ovom Odlukom i pozitivnim zakonskim propisima.

Vlasnik ili imalac psa ili mačke mora na javnom mjestu imati propisanu službenu ispravu/dokument, te istu pokazati na zahtjev nadležnog inspektora ili policajca.

Vlasnik ili imalac životinje kućnog ljubimca dužan je pri svakom izvođenju na javnu površinu općine Novo Sarajevo nositi pribor za čišćenje fekalija i očistiti svaku površinu koju njegov kućni ljubimac onečisti.

Član 18.

Vlasnik ili imalac životinje, kao i lice koje izvodi opasnog psa iz kontroliranog uzgoja, dužan je da psa vodi na povodcu i obavezno s brnjicom.

Vlasnik ili imalac životinje, kao i lice koje izvodi psa iz pasmine velikih pasa, dužan je da psa vodi na povodcu i obavezno s brnjicom.

Vlasnik ili imalac životinje, kao i lice koje izvodi psa iz pasmine srednjih i malih pasa ili

štenadi do tri mjeseca starosti, može psa da vodi na povodcu bez brnjice, uz uslov da su sigurna i da neće ometati prolaznike i djecu. Zabranjeno je psa puštati sa povodca da se slobodno kreće u neposrednoj blizini škola, pored školskih ustanova, u dijelu parka i druge javne površine u kojoj se nalazi ograđeno ili neograđeno dječije igralište, kao i u dijelu pod cvijećnim zasadom.

Vlasnik ili imalac životinje, kao i lice koje izvodi psa, snosi punu odgovornost za njegovo ponašanje na javnoj površini.

Član 19.

Pas se može puštati sa povodca, da se slobodno kreće samo u parku i na drugoj javnoj površini koja je određena za neograničeno slobodno kretanje pasa (u daljem tekstu: „park za pse“).

Park za pse može biti ograđen i neograđen.

Općinski načelnik putem općinskog organa uprave nadležnog za komunalne poslove i mišljenja mjesne zajednice, na čijem području su zelene površine, uz saglasnost Javnog komunalnog preduzeća, odnosno privrednog društva, kojem je povjereno obavljanje komunalne djelatnosti uređenja i održavanja javnih zelenih površina (u daljem tekstu: KJKP „PARK“), određuje prostor parka za pse i period u kojem će se psi kretati na tim površinama.

Period neograničenog slobodnog kretanja pasa na neograđenim površinama iz prethodnog stava ne može biti izvan perioda 22,00 sata do 07,30 sati sljedećeg dana, u periodu ljetnog računanja vremena, odnosno, u vremenu od 20,00 sati do 07,30 sati sljedećeg dana, u periodu zimskog računanja vremena. Ako se neograđena površina nalazi u neposrednoj blizini škola, vremenski periodi iz ovog člana, ograničavaju se do 07,00 sati sljedećeg dana, osim za vrijeme školskog raspusta i neradnih dana.

KJKP „PARK“ dužno je da u parku za pse postavi vidne oznake, na kojima je naznačeno u kom vremenskom periodu i u kojim dijelovima je dozvoljeno slobodno kretanje pasa.

KJKP „PARK“ uređuje i održava park za pse.

Član 20.

U parku za pse zabranjeno je:

- uvoditi kuje u tjeranju i bolesne pse;
- korišćenje ovih površina od strane profesionalnih trenera pasa za obavljanje obuke pasa;
- unošenje staklene ambalaže;
- šišanje i četkanje pasa.

Na ulazu u park za pse, zabrane iz stava 1. ovog člana moraju biti vidno istaknute, o čemu se stara KJKP „PARK“.

Troškove postavljanja i održavanja table u parku za pse podmiruju se iz Budžeta Općine, o čemu će se sačiniti poseban sporazum sa davaocem usluge.

Član 21.

Ukoliko pas ili mačka, prilikom izvođenja, na bilo koji način isprlja javnu površinu, vlasnik ili imalac životinje, odnosno lice koje izvodi psa ili mačku, obavezan je da isprljanu površinu bez odlaganja očisti i fekalni otpad odloži na predviđeni način i na mjesto određeno za odlaganje ovog otpada.

O postavljanju i održavanju opreme za odlaganje fekalija pasa i mačaka u parku za pse, stara se KJKP „PARK“.

O postavljanju i održavanju opreme za odlaganje fekalija pasa i mačaka na ostalim javnim površinama, stara se javno komunalno preduzeće, odnosno privredno društvo, kome je povjereno obavljanje komunalne djelatnosti održavanja čistoće.

Troškove postavljanja i održavanja opreme za odlaganje fekalija podmiruju se iz Budžeta Općine, o čemu će se sačiniti poseban sporazum sa davaocem usluge.

Član 22.

Zabranjeno je uvoditi pse i mačke u:

1. objekte koje koriste organi državne uprave i lokalne samouprave,
2. objekte i prostorije za zdravstvenu zaštitu građana,
3. objekte i prostorije u kojima se obavlja vaspitno-obrazovna djelatnost i obezbjeđuje smještaj, boravak i ishrana djece, učenika i studenata,
4. objekte za proizvodnju, kontrolu i promet lijekova,
5. objekte za proizvodnju, smještaj i promet životnih namirnica,
6. vjerske objekte,
7. sredstva javnog prevoza,
8. javne komunalne objekte kao što su tržnice i pijace, groblja, cvjetnjaci, spomen obilježja i spomen parka "Vraca",
9. sportske objekte, na javne skupove, kao i druga javna mjesta na kojima se održavaju različite manifestacije,
10. ograđeno ili neograđeno dječije igralište, ograđeni ili neograđeni sportski tereni, te ograđena ili neograđena dvorišta škola i vrtića,
11. ugostiteljske objekte osim hotela koji imaju određene prostore za smještaj pasa i mačaka.

Vlasnici, odnosno korisnici ostalih objekata u javnom korišćenju, dužni su da na vidnom mjestu istaknu obavještenje o slobodnom uvođenju, odnosno zabrani uvođenja pasa i mačaka u objekat.

Zabranjeno je puštanje životinja na javne površine u toku sezone parenja.

Član 23.

Zabranjeno je izvoditi na javne površine i van prostora u kome borave, egzotične i divlje životinje koje se drže kao kućni ljubimci, osim prilikom promjene mjesta boravka i odvođenja kod veterinarara, i to u odgovarajućim transporterima, prilagođenim vrsti i veličini životinje.

V-VETERINARSKJE ORGANIZACIJE

Član 24.

Veterinarsku djelatnost na području općine Novo Sarajevo obavljaju veterinarske stanice, veterinarske klinike, veterinarske apoteke kao i samostalna veterinarska praksa (u daljem tekstu: veterinarske organizacije) pod uvjetima i na način utvrđen Zakonom o veterinarstvu Federacije BiH („Službene novine Federacije BiH”, broj: 46/00).

Nadležna veterinarska organizacija imaocu pasa će izdavati službenu ispravu čiji je sadržaj i oblik propisan Zakonom o veterinarstvu F BiH, a svi imaoci ili vlasnici pasa obavezni su upisati iste u registar.

Ako se ukaže potreba za osiguranjem zaštite zdravlja životinja ili provođenje mjera veterinarskog javnog zdravstva, uz ovlaštenje – saglasnost Kantona, Općina će za dio epizootiološkog područja osnovati nadležnu veterinarsku stanicu.

Veterinarska stanica obavlja poslove utvrđene važećim propisima, u okviru svoje djelatnosti, ambulantno, u kućnim posjetama i u privrednim objektima.

Vlasnik ili imalac kućnog ljubimca ima pravo na slobodan izbor veterinarara osim u predmetima propisanim zakonom.

Veterinarski fakultet, u skladu sa pravilima fakulteta, za potrebe Općine Novo Sarajevo istražuje,

unapređuje i primjenjuje razvojne metode tehnologije i kontrole u vezi sa pregledom životinja.

VI-NAČIN POSTUPANJA SA IZGUBLJENIM I NAPUŠTENIM ŽIVOTINJAMA, PSIMA I MAČKAMA LUTALICAMA

Član 25.

Uvjete i način postupanja s neupisanim psima, psima i mačkama lutalicama propisuje kantonalni ministar nadležan za poslove veterinarstva.

Do donošenja propisa iz stava 1. ovog člana, na području općine Novo Sarajevo primjenjivaće se ova Odluka.

Član 26.

Vlasnik ili imalac izgubljene životinje dužan je izgubljenu životinju prijaviti nadležnoj veterinarskoj organizaciji, najkasnije u roku od 48 sati.

Zabranjeno je napuštati životinje držane za društvo i druge životinje držane pod nadzorom čovjeka.

Član 27.

Hvatanje, prevoz, zbrinjavanje i smještaj napuštenih i izgubljenih životinja kao i pasa i mačaka lutalica obavljaju zaposleni u Higijenskom servisu i Skloništu za životinje, kojeg u skladu sa Zakonom o zaštiti i dobrobiti životinja BiH osniva fizička ili pravna osoba, Općina, Grad ili Kanton.

Na području općine Novo Sarajevo poslovi iz prethodnog stava ovog člana povjeriće se licu iz stava 1. ovog člana koje će osnovati Općina, Grad ili Kanton ili licu koji će biti odabrano u skladu sa Zakonom o javnim nabavkama BiH.

Član 28.

Troškove hvatanja, prevoza, zbrinjavanja i smještaja napuštenih i izgubljenih životinja kao i pasa i mačaka lutalica životinja u skloništu za životinje snosi imalac ili vlasnik životinje, a ako se isti ne utvrdi, troškovi zbrinjavanja/obezbjedjuju se iz budžetskih sredstava i drugih zakonom propisanih vidova finansiranja za životinje, osim ako se vlasnik ili imalac naknadno ne utvrdi.

Član 29.

U higijenski servis za životinje se, privremeno ili na duži period, smještaju pronađene životinje na daljnju brigu i moguće udomljavanje:

- izgubljene životinje do vraćanja vlasniku/držiocu,
- napuštene životinje kojima se ne može utvrditi vlasnik ili imalac kao i psi i mačke lutalice i
- životinje kojima vlasnik ili imalac ne može osigurati uslove držanja u skladu sa njihovim potrebama na neograničeno vrijeme.

Životinje navedene u stavu 1. ovog člana smještaju se u higijenski servis u trajanju 10 (deset) dana za pse i 14 (četnaest) dana za mačke, od dana pronalaska, ukoliko sklonište nije u mogućnosti prihvatiti uhvaćenu životinju.

Hvatanje pasa i mačaka lutalica vrši Higijenski servis po nalogu veterinarskog inspektora.

Vlasnik ili imalac životinje ima pravo zahtijevati povrat životinje koja je nađena i smještena u sklonište 8 (osam) dana od dana smještanja u sklonište, u protivnom životinja se može dodijeliti drugom zainteresiranom licu.

Član 30.

Eutanazija životinja može se provesti ako:

- a) se životinja ne može izliječiti, a ostanak u životu će joj uzrokovati nepotrebne bolove i patnju,
- b) je životinja dostigla visoku starost i otkazuju joj osnovne životne funkcije,
- c) životinja boluje od neizlječive i/ili zarazne bolesti, posebno one koja može ugroziti ljude,
- d) je životinja opasna za okolinu, i ako
- e) je životinja u agoniji.

Za slučajeve iz stava 1. tačke a) i b) ovog člana, o eufnaziji odlučuje Vlasnik ili imalac životinje, po preporuci veterinara, a za slučajeve iz stava 1. tačke c), d) i e) ovog člana veterinar. Ako se radi o kućnom ljubimcu, troškove snosi vlasnik/i, a ako se radi o psima i mačkama lufalicama troškovi padaju na teret Budžeta Općine Novo Sarajevo.

VII-NADZOR

Član 31.

Kantonalni i komunalni inspektori Općine Novo Sarajevo, svako u okviru svoje nadležnosti, vrše nadzor nad provođenjem odredbi člana 5., 6., 7., 9., člana 10. stav 3., člana 11., 12., 13. stav 1., 2. i 3., člana 15. stav 1. i 2., člana 16., 17., 18., 19. stav 4., 5., 6. i 7., člana 20., 21., 22., 23. i 26. ove Odluke.

Organ nadležan za poslove upravljanja i održavanja zajedničkih dijelova i uređaja zgrade vrši kontrolu nad provođenjem odredbi člana 9., 10. i 11. ove Odluke i o istom obavještava nadležnog stambenog, komunalnog, veterinarskog i sanitarnog inspektora kao i nadležnu policijsku upravu.

Veterinarska inspekcija, u skladu sa svojim ovlaštenjima određenim Zakonom o veterinarstvu FBiH („Službene novine F BiH“, broj: 46/00), Zakonom o veterinarstvu BiH („Službeni glasnik BiH“, broj: 34/02), Zakonom o zaštiti i dobrobiti životinja („Službeni glasnik BiH“, broj: 25/09) vrši nadzor nad provođenjem odredbi člana 3., 4., 13. stav 3. i 4., člana 14., 15. stav 3. i 4., člana 27., 28., 29. i 30. ove Odluke.

Ako se u vršenju inspekcijskog nadzora onemogućiti nadležnom inspektoratu obavljanje pregleda pružanjem fizičkog otpora ili ako se takav otpor osnovano očekuje, on može zatražiti pomoć nadležne policije.

Pripadnici MUP-a KS, II Policijska uprava Novo Sarajevo, u skladu sa svojim ovlaštenjima i nadležnošću propisanim Zakonom o javnom redu i miru i Odlukom o javnom redu i miru, vrši nadzor nad provođenjem odredbi ove Odluke koje su uređene članom 5., 6., 7., 11. stav 4., člana 13. stav 1., 2. i 3., člana 15. stav 2., člana 17., 18., 19. stav 4. i 5., člana 20. stav 1., člana 22., 23. i 26. ove Odluke.

Kantonalni i općinski komunalni inspektor, svako u okviru svoje nadležnosti, će u slučajevima kada ustanovi kršenje odredaba ove Odluke pokrenuti prekršajni postupak protiv okrivljenog podnošenjem zahtjeva za pokretanje prekršajnog postupka nadležnom sudu, u skladu sa Zakonom o prekršajima Federacije Bosne i Hercegovine („Službene novine Federacije BiH“, broj: 31/06).

VIII-KAZNE NE ODREDBE

Član 32.

Novčanom kaznom od 100,00 KM kazniće se za prekršaj fizičko lice ako postupi protivno ili se ne pridržava odredbi člana 6. i 11. stav 4. ove Odluke, odnosno čija životinja svojim glasanjem narušava javi red i mir. (Zakon o prekršajima, član 8. stav 1. tačka b.)

Novčanom kaznom od 150,00 KM do 450,00 KM kazniće se za prekršaj fizičko lice ako postupi protivno ili se ne pridržava odredbi člana 11. stav 1., 2. i 3., člana 13. stav 2. i 3., člana 19. stav 4. i 5., člana 20. stav 1., člana 21. stav 1., člana 22. stav 1. i 3. ove Odluke odnosno ko postupi sa životinjama na način kojim izaziva uznemirenje ili negodovanje građana ili ko ne ističe upozorenja za opasnost na ulazu u zatvoreno dvorište ili drugi određeni prostor gdje su smještene opasne životinje ili ko uvodi životinje u objekte gdje to nije dozvoljeno. (Odluka o prekršajima, član 5. tačka 2. alineja i.)

Novčanom kaznom od 300,00 KM kazniće se za prekršaj fizičko lice, odnosno novčanom kaznom u iznosu od 1.000,00 KM odgovorno lice u pravnom licu, a novčanom kaznom u iznosu od 2.500,00 KM pravno lice će se kazniti novčanom kaznom koje prekrši član 6., 9., 10., 13. stav

2., član 20., 21., 23., 24. i 25. ove Odluke i koje spriječi higijeničara ili druga lica koja imaju pravo nadzora i vršenja poslova predviđenih ovom Odlukom.

Novčanom kaznom u iznosu od 300,00 KM do 1.500,00 KM kaznit će se za prekršaj fizičko lice koje prekrši član 16. ove Odluke, odnosno ne prijavi nabavku, otuđenje ili nestanak psa. (Zakon o veterinarstvu F BiH, "Službene novine Federacije BiH", broj: 46/00, član 145.)

Novčanom kaznom od 500,00 KM do 1.500,00 KM kaznit će se za prekršaj fizičko lice ako postupi protivno ili se ne pridržava odredbi člana 18. stav 1. i 2. ove Odluke odnosno, ko bez nadzora ili zaštitnih sredstava drži i vodi opasne životinje koje drugog mogu prestrašiti ili povrijediti. (Zakon o prekršajima, član 8. stav 5. tačka k.)

Novčanom kaznom u iznosu od 30,00 KM do 10.000,00 KM kaznit će se za prekršaj imalac životinje ako postupi protivno ili se ne pridržava odredbi člana 3. ove Odluke, odnosno drži kao kućne ljubimce opasne i potencijalno opasne životinjske vrste zabranjene Pravilnikom o držanju opasnih životinja („Službeni glasnik BiH“, broj: 27/10) ili drži opasne pse koji nemaju rodovnicu izdatu od Kinološkog Saveza BiH ili rodovnicu izdatu od Kinološkog saveza jedne od zemalja članica Međunarodne kinološke organizacije (F.C.I.). (Zakon o zaštiti i dobrobiti životinja, član 41. stav 1. tačka d.)

Novčanom kaznom u iznosu od 30,00 KM do 10.000,00 KM kaznit će se za prekršaj imalac životinje ako postupi protivno ili se ne pridržava odredbi člana 26. stav 2. ove Odluke, odnosno napusti životinje držane za društvo i druge životinje držane pod nadzorom čovjeka (Zakon o zaštiti i dobrobiti životinja, član 41. stav 1. tačka b.).

IX-PRELAZNE I ZAVRŠNE ODREDBE

Član 33.

Danom stupanja na snagu ove odluke prestaje da važi Odluka o uslovima držanja, popisa, registracije i uništavanja pasa i mačaka na području općine Novo Sarajevo ("Službene novine Kantona Sarajevo", broj: 14/99).

Član 34.

Vlasnici ili imaoци kućnih ljubimaca, dužni su da njihovo držanje usklade u roku od 90 dana od dana primjene ove Odluke.

Član 35.

Odluka stupa na snagu osmog dana od dana objavljivanja u „Službenim novinama Kantona Sarajevo“.

Broj: 01-24-228/15

Sarajevo, 25.06.2015. godine

Predsjedavajući
Općinskog Vijeća Novo Sarajevo

Do Igor Gavrić

